



Ka Ko p.

7219

I

Mag. St. Sc.

P

*Ciceronis (M. T.) Epistolarum
selectarum libri tres.*

Calisii typ. Coll. 1. J. 1745.

Klarycy i 16162.



7219

MARCI TULLII CICERONIS

Epistolarum selectarum

LIBRI TRES,

Ad Utum Infimæ Classis Grammatices
Studioforum, per Provinciam Poloniæ


SOCIETATIS IESU.

Collegii Graecv: Soc. Jesu 1748
Cum Privilegio S. R. Majestatis.



R. BIBLIOTHECA
IV. 1 AGE
RACOVENSIS

CALISSII.



Typis Collegii Societatis IESU 1745.

XXIV. 5. 22

Exemplum Imitationis CICERONIANÆ

Ad profectum in Latinitate valde necessaria, & à discipulis sæpè usurpanda.
Super Epistolam lib. 12. Ad cæteras, &c.

Filius petit à Parente pecuniam.

AD cæteras meas, quas D. Parenti læpius infero molestias, accedit & hæc reverens petitio pecuniæ, mihi, meisque necessitatibus submittendæ. Omnino cū meis studiis, nec quid faciam, scio. Spero D. Parentem mei, & studiorum meorum, curam suscepturum.

Respondet Pater.

AD cæteras domesticæ rei angustias. accessit & nunc defectus repentinus pecuniæ, ex mercium novarum, & vesturarum solutione. Omnino de pecuniario subsidio, nec ubi aliquid accipiam, nec quod tibi submittam. scio. Tu velim interea te, & tua studia, ut poteris, promoveas.

Responsio ad Parentis literas.

AD cætera erga me D. Parentis benevolentix inditia, accessit prompta, de me bene merendi, voluntas in literis, ad me missis, expressa. Omnino de ministranda pecunia, nec cur ultra molestus sim, nec cur etiam desperem. habeo. Peto tamen, mihi, & meæ indigentix (quod forè confido) quàm primùm subveniri.

MAR-

M A R C I T U L L I I
C I C E R O N I S.

Epistolarum selectarum
LIBER PRIMUS.

Argumentum Continet hæc Epistola. omni-
um brevissima, gratulationem, benevolen-
tiam, officium.

Tibi gratulor, mihi gaudeo: te amo, tua
tueor. A te amari, & quid agas, quid-
que istic agatur, certior fieri volo. Vale.
Tullius Terentiæ suæ S. D.

Argum. Significat dolorem suum ex Dolabel-
le generi sui, & Tulliæ filie valetudine.

A D cæteras meas miseras accessit dolor
A D Dôlabellæ valetudine, & Tulliæ:
omnino de omnibus, nec quid consilii
capiam, nec quid faciam, scio. Tu velim
tuam, & Tulliæ valetudinem cures. Vale.

Tullius Terentiæ suæ suæ S. D.

Argum. Permittit uxori, ut de nuntio remit-
tendo consilium capiat ex tempore.

Q Uod scripsi ad te proximis literis, de
nuntio remittendo, quæ sic istius vis
hoc tempore, quæ & concitatio multitu-
dinis

dinis, non ignoras. Si metuendus iratus est. quies tamen ab illo fortasse nascetur. Totum judicabis, quale sit, & quod in miserrimis rebus minimè miserum putabis, id facies. Vale. Id Quintil.

Marcus Tullius Terentiæ suæ S. D.

Argum. Rogat uxorem, valetudinem curet. laudat ejus diligentiam, eâque ut deinceps utatur, mandat.

SIV. B. E. E, Q. V. Valetudinem tuam velim cures diligentissimè Nam mihi & scriptum & nuntiatum est. te in febrim subito incidisse. Quod celeriter me fecisti de Cæsaris literis certiolem, fecisti mihi gratum: idem posthac, si quid opus erit, si quid acciderit novi, facies ut sciam Cura, ut valeas, D. IV. Non Junias

Marcus Tullius Terentiæ suæ S. D.

Argum. Mandat ut cum Attico colloquatur & literas mittat.

Quid fieri placeret, scripsi ad Pomponium feriùs, quàm oportuit. Cum eo si locuta eris, intelliges, quid fieri velim. Apertiùs scribi, quando ad illum scripseram, necesse non fuit. De ea re, & de cæteris rebus, quàm primùm velim nobis mittas literas. Valetudinem tuam cura diligenter. Vale. VII. Id. Quint.

Tul.

Tullius Terentiæ S. D.

Argum. *Doloris index Epistola*

SI quid haberem, quod ad te scriberem, facerem id & pluribus verbis, & sæpius nunc quæ sunt negotia, vides. Ego autem quomodo sim affectus, ex Lepta & Trebatio poteris cognoscere. Tu fac, ut tuam, & Tulliæ valetudinem cures. Vale.

Tullius Terentiæ suæ S. D.

Argum. *Mandat, ut in Tusculano omnia sint parata ad hospites excipiendos.*

IN Tusculanum nos venturos putamus, aut Nonis, aut postridie. Ibi fac, ut sint omnia parata. Plures enim fortasse nobiscum erunt, & ut arbitror, diutius ibi commorabimur. Labrum, si in balneo non est fac ut sit. Item cætera, quæ sunt ad victum, & valetudinem necessaria. Vale.
Kal. Octob. de Venusino.

Marcus Tullius Terentiæ suæ S. D.

Argum. *Scribit, ut quæ tempus postulabit provideat, sibi quæ absenti administret, literasq; mittat*

SI vales bene est: ego quidem valeo. Da operam, ut convalescas: quod opus erit, ut res tempusque postulat, provideas, atque administres, & ad me de omnibus rebus, quam sæpiissime literas mittas. Vale.

Tullius Terentiæ suæ S. D.

Argum. *Dicit se tabellarios expectare: ut consilium capere possit.*

SI vales bene est; ego valeo. Nos quotidie tabellarios vestros expectamus: qui si venerint, fortasse erimus certiores. quid nobis faciendum sit, faciemusque testatim certiozem. Valetudinem tuam cura diligenter. Vale Kalend septembribus.

Tullius Terentiæ suæ S. D.

Argum. *Nondum se; neque de Cæsaris adventu, neque de ejus literis, quidquam scire dicit*

SI vales, bene est; ego valeo. Nos neq; de Cæsaris adventu neque de literis, quas Philotimus habere dicitur, quidquam adhuc certi habemus. Si quid erit certi, faciam te statim certiozem. Valetudinem tuam fac ut cures. Vale III. Id Sextiles. M. Cic, C. Titio L. E. Rufo Præt. Urb. S.

Argum. *Commendat L. Custidium*

L. Custidius, est tribulis & municeps, & familiaris meus. Is causam habet, quam causam ad te deferet. Commendo tibi hominem, sicut tua, fides, & meus pudor postulat, Tantum ut faciles ad te aditus habeat, quæ æqua postulabit, lubente te impetret: sentiatque meam sibi amicitiam, etiam cum longissimè absum, prodesse in primis

primis apud te. Vale.

Tullius Terentiæ suæ S. D.

Argum Tulliam ad se venisse dicit, sibi autem in animo esse Ciceronem filium ad Cæsarem mittere.

SI vales bene est: ego quidem valeo. Tullia nostra venit ad me prid. Id. Juniascujus summa virtute & singulari humanitate, graviore etiam sum dolore affectus, nostrâ factum esse negligentiam, ut longè alia in fortuna esset, atque ejus pietas, ac dignitas postulabat. Nobis erat in animo, Ciceronem ad Cæsarem mittere, & cum eo Cn. Salustium, si profectus erit, faciam te certiore. Valetudinem tuam cura diligenter. XVII. Kalend. Quint:

Tullius Terentiæ suæ S. D.

Argum. Consilium suum reprehendit, quod videt in Pharsalia Pompejo in Italiam redierit monet uxorem, ne ad ipsum eat.

QUOD nos in Italiam salvos venisse gaudeas. perpetuò gaudeas velim. Sed perturbati dolore animi, magnisque injuriis metuo, ne id consilii ceperimus, quod non facile explicare possimus. Quare quantum potes, adjuva: quid autem possis, mihi in mentem non venit. In viam quod te des hoc tempore, nihil est: & longum

est iter, & non tutum: non video quid prodesse possis si veneris. Vale. Datum Prid, Nonas Nov. Brundusiô

Tullius Terentiæ suæ S. D.

Argum. Dicit se mutasse consilium de mittendo ad Cæsarem in Cicerone filio.

SI vales bene est, ego valeo. Constitue-
ramus, ut ad te ante scripseram, obvi-
am Ciceronem Cæsari mittere: sed mu-
tavimus consilium: quia de illius adven-
tu nihil audiebamus. De cæteris rebus, etsi
nihil erat novi, tamen quid velimus, &
quid hoc tempore putemus opus esse, ex
Sica poteris cognoscere. Tulliam adhuc
mecum teneo. Valetudinem tuam cura
diligenter. Vale. XII. Kalend. Quintiles.

Tullius Terentiæ suæ S. D.

*Argum. Scribit ex literis à Cæsare acceptis,
de ejus adventu, de obviam itione.*

SI vales, bene est: ego valeo. Redditæ
mihi tandem sunt à Cæsare literæ satis
liberales: & ipse opinione celerius ven-
turus esse dicitur. Cui utrum obviam
procedam, an hic eum expectem, cum
constituero faciam te certiolem. Tabel-
larios mihi velim quàm primùm remit-
tas. Valetudinem tuam cura diligenter
Vale D. prid. Id Sextiles.

Tul

Tullius Tironi S. D.

Argum. *De literis, de Demetrio, Aufidiano nomine,*

Expecto tuas literas de multis rebus, te ipsum multò magis, Demetrium redde nostrum, & aliud, si quid potes boni. De Aufidiano nomine nihil te hortor, scio tibi curæ esse: sed confice, & si ob eam rem moraris, accipio causam: si te id non tenet, advola Literas valde expecto. Vale

Tullius Tironi S. D.

Argum. *De valetudine curanda, de libris componendis, de Olitore, & reditu Tironis*

Sollicitat, ita vivam, me tua mi Tiro, valetudo: sed confido, si diligentiam, quam instituisti, adhibueris, citò te firmum fore. Libros compone, indicem cum Metrodoro lubebit; quando ejus arbitratu vivendum est. cum Olitore, ut videtur. Tu potes Kalendis spectare gladiatores, postridie redire: & ita censeo. Verum ut videbitur, cura te diligenter. Vale.

M. T. Cicero Q. Valerio Q. F S. D.

Argum. *Publium Cornelium Valerio commēdat.*

Publius Cornelius, qui tibi has literas reddidit, est mihi à P. Culpio commēdatus; cujus causa quantopere cuperem deberemque, profectò ex me facile co-

gnovisti. Vehementer te rogo. ut cures, ut ex hac commendatione mihi Cuspius quam maximas, quam primùm quam sapissimè gratias agat. Vale.

M. T. Terentiæ suæ S. D.

Argumentum est de literis, & de Voluminia

SI vales bene est: ego valeo. Etsi ejusmodi tempora sunt, ut nihil habeam, quod aut à te literarum expectem, aut ipse ad te scribam: tamen nescio quo modo & ipse vestras literas expecto, & scribo ad vos, cùm habeo, qui ferat. Voluminia debuit in te officiosior esse, quàm fuit: & id ipsum, quod fecit, potuit diligentius facere & cautiùs quàmquàm alia sunt, quæ magis curemus, magisque doleamus, quæ me ita conficiunt, ut ii voluerunt, qui me de mea sententia detruserunt. Cura ut valeas. Prid: Nonas Januarias.

M. T. Terentiæ suæ S. D.

Argum. Dolorem significat ex filia valetudine, & difficultatem, quo minùs possit propius accedere.

IN maximis meis doloribus excruciat me valetudo Tullia nostræ: de qua nihil est, quod ad te plura scribam; tibi enim æquè magnæ curæ esse certò scio. Quod me propius vultis accedere, video
ita

ita esse faciendum: etiam ante fecissem, sed me multa impedierunt, quæ nunc quidem expedita sunt. Sed à Pomponio expecto literas, quas ad me quàm primum perferendas cures velim. Da operam, ut valeas.

Cicero S. Memmio.

Argum. Fulsum commendat, quem & ante præsens præfenti commendârat.

Aulum Fulsum, unum ex meis intimis observantissimum, studiosissimumque nostri. eruditum hominem, & summâ humanitate, tuaque amicitia dignissimum velim ita tractes, ut mihi coram recepisti. Tam gratum mihi id erit, quàm quod gratissimum ipsum præterea summo officio, & summâ observantiâ tibi perpetuum devinxeris. Vale.

M. Cicero Ser Sulpitio S. D.

Argum. Commendat Asclapionem medicum, ut amicum, ut doctum, ut fidelem.

Asclapione Patrensi medico, utor valde familiariter: ejusque tum consuetudo mihi jucunda fuit, tum etiam ars, quàm sum expertus in valetudine meorum. In qua mihi tum ipsa scientiâ, tum etiam fidelitate, benevolentiaq; satis fecit. Hunc igitur tibi commendo, & à te peto, ut des operam. ut intelligat diligenter me
scri-

scripsisse de se. meamque commendationem usui magno sibi fuisse. Erit id mihi vehementer gratum. Vale.

M. Cicero Ser. Sulpitio S. D.

Argum. *Hagesaretum breuiter, sed accurate commendat.*

Hagesaretus Larissæus, magnis meis beneficiis ornatus, in Consulatu meo memor, & gratus fuit, mēque postea diligentissimè coluit. Eum tibi magnopere commendo, ut & hospitem, & familiarem meum, & gratum hominem, & virum bonum, & principem civitatis suæ & tua necessitudine dignissimum. Pergratum mihi feceris, si dederis operam. ut is intelligat, hanc meam commendationem, magnum apud te pondus habuisse. Vale.

Cic. Acilio Procon. S. D.

Argum. *Commendat Titurnium Rufum.*

Cum familia Titurnia necessitudo mihi intercedit vetus: ex qua reliquus est M. Titurnius Rufus, qui mihi omni diligentia, atque officio est tuendus. Est igitur in tua potestate, ut ille in me satis sibi præsidii putet esse. Quapropter cum tibi commendo maiorem in modum, & abs te peto, efficias: ut is commendationem

tionem hanc, intelligat sibi magno adjumento fuisse.. Erit id mihi vehementer gratum.. Vale.

M. T. C. Q. Anchario Q. F. Procons S. P. D
Argum. *L. & C. Aurelius fratres, cōmendat.*

L. Et C. Aurelios L. filios, quibus & ipsis, & parte eorum viro optimo familiarissimè utor, commendo tibi majorem in modum, adolescentes omnibûs optimis artibûs ornatos, meos pernecessarios, tuâ amicitia dignissimos. Si ulla mea apud te commendatio valuit, quod scio multas plurimùm valuisse, hæc ut valeat rogo. Quod si eos honorificè, liberaliterque tractâris- & tibi gratiosissimos. optimosque adolescentes adjunxeris, & mihi gratissimum feceris. Vale.

Cic. Acilio Procons. S.

Argum. *Brutii negotia, procuratoresque commendat.*

L. Ucius Brutius eques Rom. adolescens omnibus rebus ornatus, in meis familiarissimis est, meque observat diligentissimè, cujus cum pâtre magna mihi fuit amicitia, jam inde à Quæstura magna Sici-liensi Omnino nunc ipse Brutius Romæ mecum est. Sed tamen domum ejus, & rem familiarem, & procuratores tibi sic
commen

commendo, ut majore studio, commendare non possim. Gratissimum mihi feceris, si curâris, ut intelligat Brutius; id quod ei recepi hanc meam commendationem sibi magno adjumento fuisse. Vale

Cicero Trebatio S.

Argum. Auctoritate jurisconsultorum probat, quod de controversia quondam dixerat.

Illuseras heri inter scyphos, quod dixeram, controversiam esse: possetne hæres quod furtum antea factum esset rectè furti agere, Itaque, etsi domum bene potò seròque redieram, tamen id caput, ubi hæc controversia est, notavi, & descriptū tibi misi: ut scires, id quod te neminem sensisse dicebas: Sext. Ælium, M. Manlium, M. Brutum sensisse. Ego tamen Scævolæ, & Testæ assentior. Vale.

Cic. Acilio Procons. S.

Argum. Commendat duos hospites suos Alefinos.

IN Alefina civitate lauta, tamque nobili conjunctissimos habeo, & hospitio & familiaritate M. & C. Clodios, Archaetum & Philonem, sed vereor, nè quia cōplureis tibi præcipuè commendo, ex æquare videar ambitione quadam commen-

dari-

dationes meas, quamquam à te quidem cumulatè satisfit & mihi, & meis omnibus. Sed velim sic existimes, hanc familiam, & hos mihi maximè esse conjunctos vetustate, officiis, benevolentia. Quà obrem peto à te majorem in modum: ut his, omnibus in rebus, quantum tua dignitas, fidesque patietur, commodos. Id si feceris, erit mihi vehementissimè gratum. Vale.

M. T. Cicero Silio S. D.

Argum. *Egnatium communem amicum commendat.*

Quid ego tibi commendem, quem tu ipse diligis? Sed tamen ut scires, eū à me non diligi solum, verum etiam amari, ob eam rem tibi hæc scribo. Omnium tuorum officiorum, quæ multa, & magna sunt, mihi gratissimum fuerit, si ita tractâris Egnatium, ut sentiat, & se à me, & me à te amari. Illa nostra scilicet acciderunt. Utamur igitur vulgari consolatione: Quid si hoc melius? sed hæc coram. Tu fac, quod facis, ut me ames, teque amari à me scias. Vale.

M. Cic: Sextilio Rufo Quæst. S. D.

Argum. *Omnes Cyprios, maximèque l'aphios commendat.*

Omnes

OMnes tibi commendo Cyprios, sed magis Paphios: quibus tu quæcunque commodaris, erunt mihi gratissima. Eoque facio libentiùs, ut eos tibi commendem, quòd tuæ laudi, cujus ego fautor sum, concedere arbitror, cùm primum in eam Insulam Quæstor veneris, ea te instituere quæ sequantur alii, quæ, ut spero, facilius consequere, si & P. Lentuli necessarii tui legem, & ea quæ à me constituta sunt, sequi volueris; quam re tibi confido magnæ laudi fore. Vale.

M. T. Cic. Q. Philippe Procons. S.

Argum. Oppium præsentem, & Egnatii absentis negotia commendat.

ET si dubito, pro tua in me obsequantia, proque nostra necessitudine, quin commendationem meam memoriâ teneas: tamen etiam atque etiam eundem tibi L. Oppium, familiarem meum præsentem, & L. Egnatii familiarissimi mei absentis negotia commendo. Tanta mihi cum eo necessitudo est familiaritasque, uti si mea res esset, non magis laborarem. Quapropter gratissimum mihi feceris, si curaris, ut intelligat, me à te tantum amari: quantum ipse existimo. Hoc mihi gratius facere nihil potes, id
que

que ut facias, te vehementer rogo.
Vale.

M. T. Cic. Teren. suæ & Tulliolar suæ S.D.
Argum. *Excusat infrequentiam literarum:*
mandat, ut creditoribus satis fiat, gratias a-
ctas à nescis qua, non miratur: Pollicē expectat.

Nec sæpe est, cui literas demus, nec
rem habemus ullam: quam scribere
velimus. Ex tuis literis, quas proxi-
mè accepi, cognovi prædium nullum
venire potuisse. Quare videas velim,
quomodo satisfiat ei, cui scias me satis
fieri velle. Quòd nostra tibi gratias a-
git, id ego non miror te mereri, ut ea
tibi merito tuo gratias agere possit.
Pollicem, si adhuc non est profectus,
quàm primùm fac extrudas. Cura ut
valeas. Idib. Quinctilibus.

Tullius Tironi S,

Argum. *Scribit de sua solitudine, suoque*
Alyziam accessu: rogat, ut valetudinem dili-
genter curet.

Non queo ad te, nec lubet scribere,
quo animo sim affectus: tantùm scri-
bo, & tibi & mihi maximæ voluptati
fore, si te firmum quàm primùm vide-
ro. Tertio die abs te ad Alyziam ac-
cesseramus. Is locus est circa Leucadē
Præloct Infim B, ita

stadia CXX. Leucade aut te ipsū, aut tuas literas à Marione putabā me accepturū Quātū me diligis, tantū fac, ut valeas, vel quantum te à me scis diligi. Nonis Novembribus. Alyziā

LIBER SECUNDUS

M. C. Imp. Cælio Ædili Cur S. D.

Argum. *Commendat Fabium à quinqueribus, bonitate, doctrina, ingenio, modestia, amicitia.*

Marco Fabio, viro optimo, & homine doctissimo, familiarissimè utor, munificèque eum diligo, eum propter summum ejus ingenium, summamq; doctrinam; tum propter singularem modestiam. Ejus negotium sic velim suscipias, ut si esset res mea. Novi ego vos magnos patronos; homines occidat, oportet, qui vestrâ operâ indigent; sed in hoc homine nullam accipio excusationem. Omnia relinques, si me amabis, cū tuâ operâ Fabius uti velit. Ego res Romanas vehementer exspecto, & desidero; imprimisque quid agas, scire cupio, nam jam diu, propter hyemis magnitudinem, nihil novi ad nos afferebatur.

Tull. Cic. S. D. Tironi suo
Argu.

Argum. Scribit se adversis ventis Corcyrae teneri, hortaturque Tironem, ut se curet, nec nisi confirmatus naviget.

SEPTIMUM jam diem Corcyrae tenebamur. Quintus autem frater, & filius Buthroti, solliciti eramus de tua valetudine mirum in modum; nec mirabamur, nihil à te literarum jis enim ventis istinc navigatur, qui si non essent, nos Corcyrae non sederemus. Cura igitur te, & confirma, cum commodè & per valetudinem, & per anni tempus navigare poteris, ad nos amantissimos tui veni. Nemo nos amat, qui te non diligat. Carus omnibus, expectatusque venies. Cura ut valeas, etiam atque etiam Tito noster. Vale. XV. Kal. Nov Corcyrae.

M. Cic. S. D. Cn. Plancò.

Argum. Hortatur, ut communem fortunam fortiter ferat.

ACCEPI perbreves tuas literas, è quibus id, quod cupiebam, cognoscere non potui: cognovi autem id, quod mihi dubium non fuit. Nam quam me amares, facile perspexi: sed hoc sciebam: illud si scis, ad id meas literas accommodasse. Sed tamè etsi antè scripsi, quæ existimari scribi oportere: tamè hoc tēporè breviter cō-

monendum putavi, ne quo in periculo te proprio existimares esse; in magno omnes, sed tamen in commune sumus. Quare non debes, aut propriam fortunam, & præcipuam postulare, aut communem recusare. Quapropter eo animo sumus inter nos, quo semper fuimus, quod de te sperare, de me præstare possum. Vale.

M. Cic. M. Mario S. D.

Argum. Præmonet Marium de adventu suo in Pompejanum.

AD Nonum Kalend. Julias in Cumanū veni, cum Libone tuo, vel nostro potiùs: in Pompejanum statim cogito; sed faciam te ante certiozem. Te cum semper valere cupio, tum certè dum hic sumus. Quare si quid constitutum cum podagra habes, fac in alium diem differas. Cura igitur, ut valeas; & me hoc bi-duo, aut triduo expecta. Vale.

Cicero Trebatio S. D.

Argum. Literarum officium à Trebatio requirit, monet, ne reditum in urbem præproperè cupiat.

JAm diu ignoro, quid agas, nihil enim scribis: neque ego ad te his duobus mensibus scripseram: quia cum Quinto fratre meo non eras: quo mitterem, aut cui da-
rem

rem, nesciebam. Cupio scire, quid agas, & ubi sis hyematurus; equidem velim cū Cæsare, sed ad eum, propter ejus occupationes, nihil sum ausus scribere: ad Balbum tamen scripsi. Tibi deesse noli; serius potius ad nos, dum plenior. Quod huc properes, nihil est, præsertim Vactrâ mortuo. sed tibi consilium non deest Quid constitueris, cupio scire, Cn. Octavius, an Cn. Cornelius? tuus quidem familiaris, summo genere natus, terræ filius, is me, quia scit tuum familiarem esse, crebrò ad cœnam invitat, adhuc non potuit perducere: sed mihi tamen gratum est. Vale.

Cicero Trebatio S. D.

Argum. Declarat suum absentis Trebatii desiderium & gratulatur de C. Marii familiaritate

QUàm sunt morosi, qui amant, vel ex hoc intelligi potest. Molestè ferebā antea, te invitum istic esse: pungit me rursus, quod scribis te esse istic libenter, neque enim tum mea commendatione te non delectari, facilè patiebar & nunc angor, quidquam tibi sine me esse jucundum. Sed tamen malo nos ferre desiderium, quàm te non ea, quæ spero, consequi. Quod verò in C. Marii suavissimi,

doctissimique hominis familiaritatem venisti, non dici potest, quam valde gaudeam: qui, fac, ut te quàm maximè diligat. Mihi crede, nihil ex ista provincia potes, quod jucundius sit, deportare. Cura, ut valeas.

Cicero Pæro S D.

Argum. Prænunciat Pæto adventum suum: quamquàm enim audierit eum ex pedibus laborare, sed tamen putare ait, coquum illius articulari morbo non impediri, quo minùs cenā possit apparare.

Heri veni in Cumanum: cras ad te fortasse. Sed cùm certum non sciam, faciam te paulò ante certiore. Etsi M. Cæparius, cùm mihi in sylva Gallinaria obviam venisset quæsissemque, quid ageres, dixit te in lecto esse, quod ex pedibus laborares. Tuli scilicet molestè, ut debui: sed tamen constitui advenire, ut viderem te, & viserem, & canarem etià: non enim arbitror, coquum etiam te arthriticum habere. Expecta igitur hospitem, cùm minimè edacem, tum inimicum canis sumptuosus. Vale.

Cic, Planco Imp. Cos Des. S, D.

Argum. Excusat se, quod in Senatum ad agendum Planci causam non venerit: officium suum pollicetur in iis rebus,, quæ præsentiam suam requi

requirere videbuntur.

MEum studium honori tuo, pro necessitudine nostra non defuisset: si aut tutò in Senatum, aut honestè venire potuissem. Sed nec sine periculo quispiam liberè de Republica sentiens versari potest in summa impunitate gladiatorū, nec nostræ dignitatis videtur esse, ibi sententiam de Republica dicere, ubi me & meliùs, & propiùs audient armati, quàm Senatores. Quapropter in privatis reb9, nullū neq; officiū neq; studiū meū desiderabis; nè in publicis quidem, si quid erit, in quo me interesse necesse sit, unquam deero. ne cum periculo quidem meo dignitati tuæ. In iis autem rebus, quæ nihilominus, ego ut absim confici possunt, peto à te, ut mei rationem habere velis, & salutis, & dignitatis meæ. Vale.

M. T. C. S. D. Bruto Imp Cos. Desig.
Argum. Laudat officium & dignitatem Bruti, voluptatem, letitiamque omnium significat. Bruti, Plancique conjunctione: eumquè hortatur, ut in tuenda Republica seipsum vincat.

ET si mihi tuæ literæ jucundissimæ sunt, tamen jucundius fuit, quod in summa occupatione tua, Planco Collegæ mandasti.

dasti, ut te mihi per literas excusaret, quod fecit ille diligenter, mihi autem nihil amabilius officio tuo & diligentia. Coniunctio tua cum Collega, concordiaque vestra, quæ literis communibus declarata est, Senatui populoque Rom. gratissima accidit. Quod superest, perge mi Brute, & jam non cum aliis, sed tecum iple certa. Plura scribere non de beo, præsertim ad te, quo magistro brevitatis, uti cogito. Literas tuas vehementer exspecto, & quidem tales, quales maxime opto.

M. C. S. C. Bruto.

Argum. Scribit brevitatem inscribendo se amare. Bruti exemplo: Reip. spem in ipso, & in Planco esse; de M. Bruto nihil certi.

Expectanti mihi tuas quotidie literas Lupus noster subito denuntiavit, ut ad te scriberem, si quid vellem. Ego autem etsi quid scriberem, non habebam (acta enim ad te mitti sciebam, inanem sermonem literarum tibi in iucundum esse audiebam) brevitatem secutus sum te magistro. Scito igitur, in te, & in Collega spem omnem esse. De Bruto autem nihil adhuc certi: quem ego quemadmodum præcipis, privatis literis ad bellum
com-

commune vocare non desino, qui utinā jam adesset, intestinum urbis malum, quod est non mediocre. minūs timere-mus. Sed quid ago? non imitor laconismum tuum? altera jam pagella procedit. Vince, & vale. XIV. Kalend. Quint:

Cic: Cornificio Collegæ S.

Arg. Focatur, quia Cornifici Sinuessanæ villæ hospitio uti noluerat; & crebras ab eo literas petit

GRatæ mihi tuæ literæ, nisi quod Sinuessanum diversoriolum contempsisti.

Quam quidem contumeliam, villa pusilla iniquo animo feret, nisi in Cumano & Pompejano reddideris. Sic igitur facies, mequē amabis; & scripto aliquo lacesses, ego enim respondere faciliūs possem, quā provocare. Quod si, ut es, cessabis, lacessam, nec tua ignavia etiam mihi inertiam afferet. Plura otiosius. Hæc cum essem in senatu exaravi. Vale.

Cicero Cornificio S.

Argum. Commendat Anicium, ejusque negotia, & dignitatem.

CAjus Anicius, familiaris meus, vir omnibūs rebūs ornatus, negotiorū causa legatus est in Africam legatione libera. Eum velim rebūs omnibūs adjuves operamquē des, ut quā commodissimē sua

sua negotia conficiat: imprimisque, quod ei charissimum est, dignitatem ejus tibi cōmēdo: Idq̃? à te peto, quod ipse in Provincia facere sū solit⁹ non rogat⁹, ut omnib⁹ senatorib⁹ lictores darē, quod idem acceperā, & cognoverā, à summis viris factitatū. Hoc igitur, mi Cornifici facies, cæterisq; reb⁹ omnib⁹ ejus dignitati reiq; si me amas, consules, id erit mihi gratissimū. Da operam ut valeas.

M. T. Cic. S. Cornificio.

Arg: Ausidii Equitis Rom. Africana negotia cōmendat.

SExt. Ausidius & observantiā, quā me colit, accedit ad proximos, & splendore Equiti Rom. nemini cedit. Est autem ita temperat⁹, moderat⁹que morib⁹, ut summa virtus, summa cum humanitate jungatur. Cujus tibi negotia, quæ sunt in Africa, ita commendo, ut majore studio, magisque ex animo commendare non possim. Pergratum mihi feceris, si dederis operam, ut is intelligat, meas apud te literas maximum pondus habuisse. Hoc te vehementer, mi Cornifici, rogo. Vale.

M. Cic. S. D. C. Memmio.

Argum. Petit, ut Evandro statuario de sacrorū habitatione accommodet. Cajo

CAjo Aviano Evandro, qui habitat in suo sacratio & ipso multum utor, & Patrono ejus M. Æmilio familiarissimè. Peto igitur à te majorē in modum, quod sine tua molestia fiat, ut ei de habitatione cōmodes. Nā propter opera instituta multa multorū subitū est ei remigrare Kalend Quintil. Impedior verecūdiā, ne plurib9 verbis rogē; neq; tamen dubito, quin si tua nihil, aut non multū intersit, eo sis animo, quo ego essem, si quid tu me rogares mihi certè gratissimum feceris. Vale.

Cicero Bruto S.

Argum. Castronium ex Lucensi municipio commendat.

Lucius Castronius Pætus, longè princeps municipii Lucensis, est honestus, & gravis, plenus officii, bonus planè vir: & cū virtutibus, tum etiam fortunā, si quid ad rem pertinet, ornatus: meus autem est familiarissimus, sic prorsus, ut nostri ordinis observet neminem diligentius. Quare ut meum amicum, & ut tuā dignum amicitia tibi commendo, cui quibuscunque rebus commodaveris. tibi profectò jucundum, mihi certè erit gratum Vale.

M. Cicero Serv. Sulpitio S.

Argu

Argum. Cossinium libertum commendat.

Lucio Cossinio, amico & tribuli meo, valde familiariter utor: nam & inter nosmetipsos vetus usus intercedit, & Atticus noster majorem etiam mihi cum Cossinio consuetudinem fecit. Itaque, tota Cossinii domus me diligit, imprimique libertus ejus L. Cossinius Anchialus homo & patrono, & patroni necessariis, quo in numero ego sum, probatissimus. Hunc tibi ita commendo, ut si meus libertus esset, eodemque apud me loco esset, quo est apud patronum suum: majore studio commendare non possem. Quare pergratum mihi feceris, si eum in amicitiam tuam receperis, atque eum quod sine molestia tua fiat, si qua in re opus ei fuerit, juveris. Id & mihi vehementer gratum erit, & tibi postea jucundum: hominem enim summa probitate, humanitate, observantiaque cognosces. Vale.

Cic. Acilio Procos. S.

Argum. L. Manlium in hereditate fraterna, & omnibus in rebus commendat.

Lucius Manlius est Susis: is fuit Catinensis, sed est una cum reliquis Neapolitanis civis Romanus factus, decurioque
Nea

Neapoli. Erat enim adscriptus in id municipium ante civitatem sociis, & Latinis datum. Ejus frater Catinæ nuper mortuus est, nullam omnino arbitramur, de ea hæreditate controversiam eum habiturum: & est hodie in bonis. Sed quando habet præterea negotia vetera in Sicilia sua; & hanc hæreditatem fraternam & omnia ejus tibi commendo. imprimisque ipsum, virum optimum, mihiq; familiarissimum, hīs studiis literarum, doctrinæque præditum, quibûs ego maximè delector. Peto igitur abs te, ut eum sive aderit, sive non 'venerit in Siciliam, in meis intimis, maximèque necessariis scias esse, itaque tractes, ut intelligat meam commendationem sibi adjumento fuisse. Vale.

Cic: Aristo Procos. S. D.

Argum. Petit, ut Manium Curium ab omni incommodo, detrimento, molestia integrum conservet.

Sumpsi hoc mihi pro tua in me observantia, quam penitus perspexi, quamdiu Brundusii fuimus, ut ad te familiariter, & quasi pro meo jure scriberem, si qua res esset, de qua valde laborarem. Manius Curius, qui Patris negotiatur,
ita

ita mihi familiaris est, ut nihil possit esse conjunctius. Multa illius in me officia, multa in illum mea: quodque maximum est, summus inter nos amor, & mutuus. Quæ cum ita sint, si ullam in amicitia mea spem habes, si ea, quæ in me officia & studia Brundusii contulisti, vis mihi etiam gratiora efficere, quam sunt gratissima: si me à tuis omnibus amari vides, hoc mihi da, atque largire, ut Manium, Curium, fartum, & tectum, ut ajunt, ab omni incommodo, detrimento molestiis, integrum conserves. Et ipse spondeo, & omnes hoc tibi pro me recipient, ex mea amicitia, & ex uno, in me officio maximū te fructum, summamque voluptatem esse capturum. Vale.

Cic. Thermo Proprat. S. D.

Argum. Primum agit gratias Thermo, quod Mercilium liberalissimè tractavisset; deinde petit, operam det, ne socrus Marcilii rea fiat.

Cum mihi multa grata sunt, quæ tu, adductus mea commodatione, fecisti, tum imprimis quod M. Marcilium, amici atque interpretis mei filium liberalissimè tractavisti, Venit enim Laodiceam, & tibi apud me, mihi que propter

te gratias maximas egit. Quare quod reliquum est, à te peto, quanto apud gratos homines beneficium ponis, ut eo libentiùs his commodos, operamque des, quoad fides tua patietur, ut socrus adolescentis rea ne fiat. Ego cùm antea studiosè commendabam Marcilium, tum multò nunc studiosiùs, quòd in longa apparatione singularem, & propè incredibilem patris Marcilii fidem, abstinentiam, modestiamque cognovi. Vale

M. T. Cic: IV. Viris & decurion. S. D.

Argum. Petit, ut C. Valgius emptam possessionem in agro Pregellano liberam, immunemq; habeat.

TAntæ mihi cum, Q. Hippiò causæ necessitudinis sunt, ut nihil possit esse conjunctiùs, quàm nos sumus. Quod nisi ita esset, uterer mea consuetudine, ut vobis nulla re molestus essem. Etenim vos mihi optimi testes estis, cū mihi persuasū esset, nihil esse, quod à vobis impetrare non possem, nunquàm me tamen gravè vobis esse voluisse. Vehementer igitur vos etiam atque etiam rogo, ut honoris mei causâ liberalissimè C. Vaigium Hippium tractetis, remque cum eo conficiatis. ut quam possessionem habet in agro

Fre

Fregellano à vobis emptam, eam liberam. & immunem habere possit. Id si à vobis impetrâro, summo me beneficio vestro affectum arbitror. Valet.

M. T. Cic. Procos: Marcello Cos. Designato. S. D.

Argum. C. Marcello de Consulatu gratulatur suamque illi dignitatem commendat

Maximâ tum lætitiâ affectus, cum auctivi, Consulem te factum esse: eumque honorem tibi Deos fortunare volo; atque à te pro tua, parentisque tui dignitate administrari. Nam cum te semper dilexi, amavi, quod mei amantissimum cognovi, in omni varietate rerum mearum, tum patris tui pluribus beneficiis, vel defensus tristibus temporibus, vel ornatus secundis, necesse est, ut sim totus vester, & esse debeam: cum præsertim matris tuæ gravissimæ, atque optimæ fæminæ major erga salutem, dignitatemque meam studia, quam erant à muliere postulanda, perspexerim. Quapropter à te peto maiorem in modum. ut me absentem diligas, atque defendas. Vale.

M. C. Proc. C. Marc. Collegæ S. D.

Argum Gratulatur C. Marcello de filio Consule facto, erat autem Collega Ciceronis in auguratu

guratu, ac libros quoque de jure augurali composuit, lib. 2. de Divi & Carisus.

MARCELLUM tuum, Consulē factum, tequē cā lātitiā affectum esse, quā maximē optasti, mirum in modum gaudeo, idquē cū ipsius causā, tum quōd te omnibus secundissimis rebus dignissimum judico: cujus erga me singularem benevolentiam vel in labore meo, vel in honore perspexi: totam deinde domum vestram, vel salutis, vel dignitatis meæ studiosissimam, cupidissimamq; cognovi. Quare gratum mihi feceris, si uxori tuæ Juniaē, gravissimæ, atque optimæ fœminæ meis verbis eris gratulatus. A te id, quod consuevisti, peto, ut me absentem diligas, atque defendas. Vale.

Cic. Planco Imp. Cos. Des. S.

Argum. *Laudat Planiū de subsidio Reip. ferendo: & hortatur, ut Antonium ad Mutinam fūsum persequatur, ac perdat.*

O GRATAM famam biduo ante victoriam de subsidio tuo, de studio, de celeritate, de copiis! Atqui, etiam hostibus fūsis, spes omnis in te est: fugisse enim ex prælio Mutinensi dicuntur notissimi latronum duces. Est autem non minū gratum extrema dolere, quā prima depellere.

Prælect Infim.

C

lere.

lere. Equidem exspectabam jam tuas literas, idquè cum multis: sperabamquè etiam Lepidū temporibus admonitum, tecum Reip. satis esse facturum. In illam igitur curam incumbere mi Plance, ut nè qua scintilla teterrimi belli relinquatur. Quod si erit factum, & Remp. divino beneficio affeceris, & iple æternam gloriam consequere. III. Id. Maji Vale.

M. Cic. Imp. C. Marcello Cos. S. D.

Argum. *Agit gratias Consuli Marcello, quòd supplicationem sibi decr. vit.*

Quanta tibi curæ meus honor fuerit, & quam idem extiteris Consul in me orando, & amplificando, qui fueras semper cum parentibus tuis, & cum tota domo, etsi res ipsa loquebatur, cognovi tamen ex meorum omnium literis. Itaque nihil est tantum, quod ego non tuâ causâ debeam, facturumquè sim cum studiosè, tum libenter. Nam magni interest, cui debeas: debere autem nemini malui, quam tibi, cui me, cum studia comunia, beneficia paterna, tuaquè jam antè conjuxerant, tum accedit, meâ quidem sententiâ maximum vinculum, quòd ita Remp: geris, atque gessisti, quâ mihi carius nihil est, ut quantum tibi o-

omnes boni debeant, quò minus tantundem ego unus debebam, non recusem. Quamobrem tibi velim ii sint exitus, quos mereris, & quos fore confido. Ego si me navigatio morabitur, quæ incurrebat in ipsas Etesias, propediem te, ut spero, videbo. Vale.

M. T. Imp. L. Paulo Cos. Def. S.

Argum. Gratulatur de Consulatu, petitquè, ut operam de, ne quid sibi temporis ad suum provinciale munus addatur.

ET si mihi nunquam fuit dubiũ quin te Populus Romanus pro tuis summis in Rempubl. meritis, & pro amplissima familia, dignitatè, summo studio, cunctis suffragiis, Consulem facturus esset: tamen incredibili lætitia sum affectus, cum id mihi nuntiatum est: eumque honorẽ tibi Deos fortunare volo, á teque ex tua Majorumque tuorum dignitate administrari. Atque utinam præsens illum diẽ, mihi optatissimum, videre potuissem, pròque tuis amplissimis erga me studiis atque beneficiis tibi operam meam, studiumque navare. Quam mihi facultatem quando hic nec opinatus, & improvisus provinciæ casus eripuit: tamen ut te Consulem Rempubl. pro tua dignita-

te gerentem videre possim, magnopere à te peto, ut operam des & efficias, ne quid mihi fiat injuriæ, nève quid temporis ad meum annum munus accedat. Quod si feceris, magnus ad tua pristina erga me studia cumulus accedet Vale.

Tullius Tironi S.

Argum. Narrat quàm periculosum sit Tironi post morbum in viam se dare. exigitque solitam ejus operam in studiis.

EGO verò cupio te ad me venire: sed viam timeo, gravissimè agrotasti, inediâ & purgationibus. & vi ipsius morbi consumptus es. Graves solent offensiones esse ex gravibus morbis. si qua culpa commissa est. Jam id ad biduum, quod fueris in via, dum in Cumanum venis, accedent continuò ad reditum dies quinque. Ego in Formiano ad III. Kalend: esse volo, ibi te ut firmum offendam, mi Tiro, effice. Literulæ meæ, sive nostræ, tui desiderio oblangvescunt: hâc tamen epistola quam Accastus attulit, oculos paulùm intulerunt. Pompejus erat apud me cum hæc scribebam. Hilare & libenter ei cupienti audire nostræ, dixi sine te omnia mea muta esse. Tu Musis nostris para, ut operam reddas. Nostra ad diem dictam
fient

fient: docui enim te, fides etymon quod haberet. Fac planè, ut valeas: nos adsumus. Vale XIV. Kalend.

Tullius Tironi S.

Argum. *Suam de Tironis valetudine solitudinem significat.*

Ægypta ad me venit pridie Id. April. is etiam mihi nunciavit. te planè febricarere, sed belle habere: tamen quod ne gavit, te potuisse ad me scribere, curam mihi attulit, & eò magis, quod Hermia, quem eodem die venire oportuerat, non venerat; incredibili sum solitudine de tua valetudine: qua si me liberaris, ego te omni cura liberabo. Plura scriberem, si jam putarem libenter te legere posse. Ingenium tuum. quod ego maximi facio, confer ad te mihi, tibi que conservandū. Cura te etiam atq; etiam diligenter. Vale. Scripta iam epistola Hermia venit. Accepi tuam epistolam vacillantibus literulis: nec mirum tam gravi morbo. Ego ad te Ægyptam remisi, quod nec inhumanus est, & te visus est mihi diligere, ut is tecum esset, & cum eo cocum, quo uteretur. Iterum vale.

Tullius Tironi S.

Argum. *Tirone ægrotante, literarum suavitate,*

te, & fructu se carere dicit: eumque rogat, ut omnem curam ad convalescendum adhibeat.

ANDRICUS postridie ad me venit, quàm expectâram. Itaque habui noctem plenam timoribus ac miseriis: tuis literis nihilo sum factus certior, quomodo te haberet; sed tamen sum recreatus. Ego omni delectatione, literisque omnibus careo, quas ante, quàm te video, attingere non possum. Medico mercedis, quantum polcet, promitti iubeto: id scripsi ad Mummiū. Audio te animo angī, & medicum dicere ex eo te laborare. Si me diligis,, excita ex somno tuas literas, humanitatēque, propter quam mihi es charissimus. Nunc opus est, te animo valere, ut corpore possis: id cum tua. tū meā causā facias, à te peto. Acastum retine, quò commodiùs tibi ministretur. Conserva te mihi, dies promissorum adest: quem etiam repræsentabo, si adveneris. Etiam atque etiam vale. N. Id April: hora III.

Tull: Tironi S. P. D. & Cicero F. & Q., Pater & Q. F.

Argum. *Ferè tota est hortatio ad curandum valetudinem.*

VARIè sum affectus tuis literis, valdè pri

priore paginā perturbatus, paululūm altera recreatus. Quare nunc quidem non dubito, quin quoad planē valeas. te neque navigationi, neque viæ committas. Satis te maturē videro, planē confirmatum videro. De medico & tu bene existimari scribis, & ego sic audio. Sed planē curationes ejus non probor: jus enim dandum tibi non fuit: cūm *Cacoshomabes* esses. Sed tamen & ad illū scripsi accuratē & ad Lysonem. Ad Curium verō suavissimum hominem, & summi officii, summæque humanitatis multa scripsi: in his etiam, ut si tibi videretur, te ad se transferret. Lyso enim noster, vereor, ne negligentior sit: primum, quia omnes Græci, deinde, quod cūm à me literas accepisset, mihi nullas remisit. sed cum tu laudas. Tu igitur, quid faciendum sit, judicabis; illud, mi Tiro, te rogo, sumptui ne parcas ulla in re, quæ ad valetudinem opus sit. Scripsi ad Curium, quod dixisses daret medico: ipsi puto aliquid dandum esse, quod sit studiosior. Innumerabilia tua sunt in me officia domestica, forensia urbana, provincialia sin re privata, publica, in studiis, in literis nostris: o-

omnia viceris, si ut spero, te validum videro. Ego puto te bellissimè si rectè erit, cum Quæstore Mescinio discessurum; non inhumanius est, tèque, ut mihi visus est, diligit. Et cùm valetudini tuæ diligentissimè consulueris tum, mi Tiro, consulto navigationi, nulla in re jam te festinare volo, nihil laboro, nisi ut salvus sis. Sic habeto, mi Tiro, neminem esse qui me amet, quin idem te amet: & cùm tuâ, & meâ maximè interest te valere, tum multis est curæ; adhuc dum mihi nullo loco deesse vis, nunquam te confirmare potuisti, nunc te nihil impedit: omnia depone, corpori servi. Quantam diligentiam in valetudinem tuam contuleris, tanti me fieri à te judicabo. Vale mi Tiro, vale. Vale & salve. VII. Id. Novemb, Leucade.

LIBER TERTIUS.

M. T. Cicero P. Lentulo Procos. S. D.

Argum. Commendat A Trebonium, amicum suum splendidum Equitem Romanum

Aulo Trebonio, qui in tua provincia magna negotia, & ampla, & expedita habet, multos annos utor valde familiariter. Is cùm antea semper & suo splendore,

dore, & nostra, cæterorumque amicorū commendatione gratissimus in provincia fuit, tum hoc tempore propter tuū in me amorem nostramque necessitudinem vehementer confidit, his meis literis, se apud te gratiosum fore. Quæ ne spes eum fallat, vehementer te rogo, commendoque tibi ejus omnia negotia, liberos, procuratorem, familiam, imprimisque, ut quæ T. Ampius de ejus re decreverit, ea comprobes, omnibusque rebus eum ita tractes, ut intelligat meam commendationem non vulgarem fuisse Vale.

Tullius & Cic. F. & Q. F. Tironi humanissimo, & optimo S. P. D.

Argum. Cū rediret Romam Cicerō ex Sicilia, ægrum Tironem libertum Patris relinquit, quem rogat, ut valetudinem curet.

Vide, quanta in te sit suavitas: duas horas Thyrei fuimus. Xenomenes hospes tam te diligit, quā si vixerit tecum. Is omnia pollicitus est, quæ tibi essent opus facturum puto. mihi placebat, si firmitior esses. ut te Leucadem deportares, ut ibi te planè confirmares. Videbris quid Curio, quid Lysoni, quid medico placeat. Volebam ad te Marionem remitte-

re: quem, cū meliusculè tibi esset, ad me mitteres, sed cogitavi, unas literas Marionem asferre posse, me autem crebras expectare. Poteris igitur, & facies, si me diligis, ut quotidie sit Acastus in portu. Multi erunt, quibus rectè literas dare possis, qui ad me libenter perferāt. Et quidem Patras euntem neminem prætermittam. Ego omnem spem tuī diligenter curandi in Curio habeo, nihil potest illo fieri humanius, nihil nostri amantius; ei te totum trade: malo te paulò post valentem, quàm statim imbecillum videre. Cura igitur nihil aliud, nisi ut tu valeas: cætera ego curabo. Etiam atque etiam vale. Leucade proficiscens.
VII. Id. Novemb.

M. T. C. Lentulo Procos. S

Argum. Tota videtur esse consolatoria epistola, consolatur enim Lentulum ex comparatione temporum suorum; cum in exilium pulsus, ad extremum & patriam & dignitatem recuperavit. Et brevis est epistola; quia Pollio ad Lentulum ibat. omnia narraturus,

QUæ gerantur, accipies ex Pollione, qui omnibus negotiis non interfuit solū sed & præfuit. Me in summo dolore, quē in tuis rebus capio, maximè scilicet con-
solatur

solatur spes, quod valde suspicor fore, ut infringat^{ur} hominum improbitas, & cōsiliis tuorum amicorum, ipsa die, qua debilitantur cogitationes & inimicorum & proditorum. Facilè secundo loco me cōsolatur recordatio meorum temporum: quorum imaginem video in rebus tuis. Nam etsi minore in re violatur tua dignitas, quàm mea salus afflicta sit: tamen est tanta simplicitudo, ut sperem te mihi ignoscere, si ea non timuerim, quæ ne tu quidem unquam timenda duxisti. Sed præsta te eum, qui mihi à teneris, ut Græci dicunt ungviculis, es cognitus. Illustrabit (mihi crede) tuam amplitudinē hominum injūria. A me autem omnia summa in te studia, officiaque exspecta; non fallam opinionem meam. Vale.

M. T. Cicero Curioni S. P. D.

Argum. Gratulatur Curioni, quòd & Romæ non sit, ubi multa contra Remp committuntur; & ibi sit, ubi ex rectefactis magnam laudem consequatur, postremò eum ad suscipiendam Remp publicam hortatur.

HÆc negotia quomodo se habeant, nè epistolâ quidem audeo narrare tibi. Etsi ubicunque es (ut scripsi ad te antea) in eadem es navi; tamen quod abes, gratulor

tulor: vel quia non vides, quæ nos, vel quoddam excelso & illustri loco sit laus tua in plurimorum & sociorum, & civium conspectu: quæ ad nos nec vario sermone, sed & clarissima. & una omnium voce perfertur. Unum illud nescio, gratulerne tibi, an timeam. quoddam mirabilis est expectatio reditus tui non quoddam verear, ne tua virtus opinioni hominum non respondeat, sed me hercule, ne cum veneris, non habeas jam, quod cures: ita sunt omnia debilitata, jam & propè extincta. Sed hæc ipsa nescio rectène sint literis commissa; quare cætera cognosces ex aliis. Tu tamen si habes aliquam spem de Republ; sive desperas, ea para, meditare, cogita, quæ esse in eo cive, ac viro debent, qui sit Remp. afflicta. oppressam miseris temporibus, ac perditis moribus, in veterem dignitatem, ac libertatem vindicaturus. Vale.

M. T. Cicero S. D. Sextio L. F. Proquæst
 Argum: *Narrat, se diligentiam adhibuisse ne Sextio succederetur, adscribit de domo à se emptâ.*

Cum ad me Decius librarius tuus venisset, egissetque, mecum, ut operam darem, nè tibi hoc tempore succederetur

rum: quanquam illum hominem frugi,
& tibi amicum existimabam; tamen quod
memoriâ tenebam. cujusmodi ad me li-
teras antea misisses, non satis credidi ho-
mini prudenti, tam valde esse mutatam
voluntatem tuam; sed posteaquam & Cor-
nelia tua Terentiam convenit, & ego cū
Q. Cornelio locutus sum: adhibui diligē-
tiam, quotiescunque Senatus fuit, ut a-
dessem: plurimūmq̃ue in eo negotii ha-
bui, ut Q. Fufium Tribunum plebis, &
ceteros, ad quos inscripseras, cogere
mihi potius credere, quā tuis literis.
omnino res tota in mensem Januarium
rejecta erat, sed facilē obtinebatur. Ego
tua gratulatione commotus, quod ad me
pridem scripseras, velle te bene evenire,
quod de Crasso domum emissem, emi-
am ipsam domum tricies quinquies. LL.
S. aliquantō post tuam gratulationem.
Itaque nunc me scio tantum, habere æ-
ris alieni, ut cupiam conjurare, si quis
me recipiat, sed partim odio indu-
cti me excludunt & apertē vindicem cō-
juratōis oderunt, partim non credunt,
& à me insidias metuunt, nec putant ei
nummos deesse posse, qui ex obsidione
feneratorum exemerit, omnino semissib9
ma-

magna copia est. Ego autem meis rebus
gestis hoc sum assecutus, ut bonum no-
men adeptus existimer. Domum, atque
ædificationem omnem peripexi & vehe-
menter probavi Antonium, etsi ejus in
me officia omnes desiderant tamen in Se-
natu gravissimè, ac diligentissimè defen-
di, Senatūque vehemèter oratione mea,
atque auctoritate commovi. Tu ad me
velim literas crebrius mittas. Vale.

M. T. Cic: M. Lepido S. D.

*Argum Lepidum quasi levi brachio objurgat;
quia summis honoribus à Senatu ornatus gra-
tiarum agendarum officium neglexerat Tū
pacem inter Antonium, & bonos Cives con-
ciliare cupientem hortatur, ne se interponat,*

QUOD mihi pro mea sūma erga te bene-
volentia magnæ curæ est, ut quàm
amplissima dignitate sis, molestè tuli te
Senatui gratias non egisse, cū esses ab
eo ordine ornatus summis honoribus.
Pacis inter Cives conciliandæ, te cupidū
esse lætor: pacem meam, si à servitute se-
jungis, consules & Reip. & dignitati tuæ
sin ipsa pax perditam hominem, in pos-
sessionem impotentissimi dominatūs re-
stituta est, hoc animo scito omnes esse
lanos, ut mortem servituti anteponant.

Itaque

Itaque sapientiùs, meo quidem iudicio, facies, si te in istam pacificationem non interpones, quæ neque senatui, neque populo, neque cuiquam bono probatur. Sed hoc audies ex aliis, aut certior fies literis. Tu pro tua prudentia, quod optimum factu sit, videbis.

M. T. Cicero L. Furfanio Procons S. D.
Argum. Brevis est L. pistola. sed perfectæ commendationis exemplum.

CUM A. Cæcina tanta mihi familiaritas consuetudoque semper fuit, ut nulla major esse possit, Nam & patre ejus, claro homine, & forti viro plurimum usi sumus; hunc à puero, quòd spem mihi magnam afferebat summæ probitatis, summæque eloquentiæ. & vivebat mecum conjunctissimè, non solum officiis amicitia, sed etiam studiis communibus, sic semper dilexi. ut non ullo cum homine conjunctiùs viverem. Nihil attinet me plura scribere; quàm mihi necesse sit, ejus salutem & fortunas, quibuscunque rebus possum, tueri, vides. Reliquum est, ut cum cognorim pluribus rebus, quid tu & de bonorum fortuna, & Reip. calamitatibus sentires, nihil a te petam, nisi ut ad eam voluntatem, quàm tuâ sponte erga

te erga Cæcinam habiturus esses, tantus cumulus accedat commendatione mea, quanti me à te fieri intelligo. Hoc mihi gratiùs facere nihil potes. Vale.

Cicero. Ampio Balbo S.

*Argum. Scribit de suo studio erga salutem Am-
pii exulantis bonamque spem habere jubet.*

DE meo studio erga salutem, & incolunitatem tuam, credo te cognôsse ex literis tuorum: quibûs me cumulatissimè satis fecisse, certò scio. Nec iis concedo, quanquam sin singulari in te benevolentia, ut te salvum malint, quàm ego: Illi mihi necesse est concedant, ut tibi plùs quàm ipsi, hoc tempore prodesse possim, quod quidem nec destitui facere, nec desistam, & jam in maxima re feci, & fundamenta jeci salutis tuæ. Tu fac bono animo, magnoque sis, meque tibi nulla re defuturum esse confidas. prid. Non. Quintiles Vale.

M. Cic. L. Culléolo S. D.

*Argum. Gratias agit & suo, & Pompeji nomine Lucio benignissimè tractato: eundemq;
denuò commndat.*

QUæ fecisti L. Lucii causâ, scire te planè volo, te homini gratissimo commodâsse: & cum ipsi, quæ fecisti, pergrata sunt

sunt. cùm Pompejus quotiescunque me videt (videt autem sæpissimè) gratias tibi ait singulares. Addo enim illud, quod tibi jucundissimum esse certo scio, me ipsum ex tua erga Lucium benignitate, maxima voluptate affici. Quod superest, quanquam mihi non est dubium, quin, cùm antea nostrâ causa, nunc jam etiam tuæ constantiæ gratiâ, mansurus sis in eadem ista libertate, tamen abs te vehementer etiam atque etiam peto, ea quæ initio ostendisti, deincepsque fecisti etiam ad exitum augeri, & cumulari per te velis. Id & Lucio, & Pompejo valde gratum fore, teque apud eos præclare positurum confirmo, & spondeo. De Re- publ: deque his negotiis, cogitationibus que nostris perscripseram ad te diligenter paucis ante diebus, easque literas dederam pueris tuis.

Cicero Thermo Propræt. S.

Argum. Petit à Thermo, ut Annejum, legatum suum mittat: eumque in negotio suo commendat.

QUO magis quotidie ex literis, nuntiisq; bellum magnum esse in Syria cognosco ed vehementius à te pro nostra necessitudine contendo, ut mihi M. Anne-
Prælect. Infim. D. jum

jum legatum primo quoque tempore remittas: nam ejus opera, consiliô, scientiâ rei militaris vel maxime intelligo me & Rempubl. adjuvari posse. Quod nisi tanta res ejus ageretur, nec ipse adduci potuisset, ut à me discederet, neque ego ut eum à me dimitterem. Ego in Cili-
ciam proficisci cogito circiter Kal: Ma-
jas; ante eam diem Annejus ad me re-
deat, oportet. Illud quod tecum & co-
ram, & per literas diligentissimè egi, id
nunc etiam adque etiam rogo, curâ tibi
fit, ut suum negotium, quod habet cum
populo Sardonio, pro causâ veritate, &
pro sua dignitate conficiat: intellexi ex
tua oratione, cùm tecum Ephesi locu-
tus sum, te ipsius Anneji causâ omnia
velle; sed tamen sic velim exiltimes, te
mihi nihil gratius facere posse, quàm si
intellexero, per te, illum ipsum, negoti-
um ex sententia confecisse. Idque quâ
primùm, ut efficias, te etiam atque eti-
am rogo Vale.

M. T. C. Titio T. F. Legato S.D.

Argum. *Commendat Avianum Flaccum.*

ET si non dubito, quin apud te mea
commendatio prima satis valeat; tamen
obsecro homini familiarissimo C. Avia-
no

no Flacco: cujus causâ omnia tum cupio, tum me hercule, etiam debeo. De quo & præsens tecum egi diligenter, cum tu mihi humanissime respondisti: & scripsi ad te accuratè antea, sed putat interesse suâ, me ad te, quam sæpissime scribere. Quare mihi ignoscas, illius voluntati obtemperans, minus videbor meminisse constantiæ tuæ. A te idem illud peto, ut de loco, quo de portet frumentum, & de tempore Aviano commodas. Quorum utrumque. per eundem me obtinuit triennium, dum Pompejus isti negotio præfuit Summa est, in quo mihi gratissimum facere possis, si curâris, ut Avianus, quanto te à me amari putat, me à te amari sciat: erit id mihi pergratû. Vale.

M. Cic. Allicno Procos S.

Arg. *Petit, ut Demetrium Syconium in suam fidem recipiat.*

DEmetrius Sycionius, non solum hospes est meus, sed etiam, quod non multis contigit, Græcis præsertim, valde familiaris. Est enim in eo summa virtus, summa in hospites liberalitas & observantia, meque præ cæteris & colit, & observat, & diligit: eum tu non m,

dò suorum civium, verum etiam penè Achajæ principem cognosces. Huic ego tantummodo aditum, ad tuam cognitionem patefacio. & munio; cognitum per te ipsum quæ tua natura, dignum tuâ amicitia, atque hospitio, judicabis. Peto igitur à te, ut his literis lectis, recipias eum in tuam fidem. polliceare omnia te facturum meâ causâ. De reliquo, si, id quo confido fore, dignum eum tuâ amicitia, hospitioque cognoveris, peto, ut eum complectare, diligas, in tuis habeas: erit id mihi majorem in modum gratum. Vale

M. T. Cic. Trebatio S. D.

Argum. Gratulatur de reditu in patriam impetrato, hortatur, ut præterita ex animo deleat, dignitatis que recuperationem, rei familiaris jacturæ anteponat.

Dolabellam antea tantummodo diligebam, obligatus ei nihil eram; nec enim acciderat mihi opus esse: & ille mihi dicebat, quod non defueram ejus periculis. Nunc tanto sum devinctus ejus beneficio, quod & antea in te, & hoc tempore in salute tua cumulatissimè mihi satis fecit, ut nemini plus debeam. Qua in re tibi gratulor ita vehementer-

hementer, ut te quoque mihi gratulari quam gratias agere, malim, alterum verò facere poterit. Quod reliquum est quando tibi virtus & dignitas tua reditum ad tuos aperuit, est tuæ sapientiæ magnitudinisque animi; quid amiseris, oblivisci, quid recuperaris, cogitare. Vives cum tuis, vives nobiscum. Plus acquisivisti dignitatis quam amisisti rei familiaris: quæ ipsa cum esset jucundior, si ulla res esset publica. Vestorius noster familiaris ad me scripsit, te mihi maximas gratias agere. Hæc prædicatio tua mihi valde grata est: eaque te uti facile patior, tum apud alios, tum, me hercule, apud Sironem nostrum amicum. Quæ enim facimûs. ea prudentissimo cuique maxime probata esse volumus Te cupio videre quâ primùm.

Cicero Bithynico S. P. D.

Argum. Mirum declarat desiderium cum Bithynico vivendi & adjicit, esse illi amore conjunctissimum.

Cum cæterarum rerum causâ cupio esse aliquando Remp: constitutam: tum velim mihi credas, accidere id etiam, quó magis expetam promissum tuum,

quo in literis uteris: scribis enim, si ita sit, te mecum esse victurum. Gratiissima mihi tua voluntas est: facisque nihil alienum necessitudine nostra, judicijque patris tui de me, summi viri. Nam sic habeto, beneficiorum magnitudine eos, qui temporibus valuerunt, aut valeant, conjunctiores tecum esse, quam me, necessitudine neminem. Quamobrem grata mihi est, & memoria tua nostræ conjunctionis, & ejus etiam augendæ voluntas. Vale.

Cicero Thoranio S. D.

Argum. Monet Thoranium, ut in Sicilia commoretur, quoad scire possit, quid sibi agendum sit: clausula consolationis nescio quid continet.

DEderam triduo antè pueris C. Plancii literas ad te; eo nunc ero brevior teque ut ante consolabar, hoc tempore monebo. Nihil puto tibi esse utilius, quàm ibidem operiri, quoad scire possis, quid tibi agendum sit. Nam præter navigationis longæ. & hiemalis, & minime portuosæ periculum, quod vitaveris, ne illud quidem negligendum, quamvis subito, cum certi aliquid audieris, te isthinc posse proficisci, nihil est præterea, cur ad-
veni-

venientibus te offerre gestias. Multa præterea metuo, quæ cum Chilone nostro communicavi. Quid multa? loco opportuniore in his malis nullo esse potuisti ex quo te quocunque opus erit, facillimè & expeditissimè conferas. Quod si recipiet ille se, ad tempus aderis: sin (quoniam multa accidere possunt) aliqua res eum vel impediet, vel morabitur; ibi eris, ubi omnia scire possis, hoc mihi prorsus valde placet. De reliquo, ut te sæpe per literas hortatus sum, ita velim tibi persvadeas, te in hac causa nihil habere, quod timendum sit, præter communem casum civitatis: qui & si est pravissimus, tamen ita viximus, & id ætatis jam sumus, ut omnia, quæ non nostrâ culpa nobis accident, fortiter ferre debeamus. Hic tui omnes valent, summaque pietate te desiderant, & diligunt & colunt. Te & cura ut valeas, & te isthinc ne temere commoveas.

Cicero Trebatio S. D.

Argum. *Familiariter, & jocosè Trebarium rebeudit, qui literas non miserat.*

Quippus Vettius Cyry architecti literas, fecit, ut non immemorem pulchritudinis mei salutem enim verbis tuis mihi

hi nuntiavît. Valde jam lautus es, qui gravêre literas ad me dare, homini præsertim prope domestico. Quod si scribere oblitus es, minus multi jam te advocato causâ cadent: sin nostri oblitus es, dabo operam ut istud veniam ante, quâ planè animo tuo effluam: sin æstivorum timor te debilitat, aliquid excogita, ut fecisti de Britannia. Illud quidem, perlibenter audiavi ex eodem Chrysippo, te esse Cælari familiarem. Sed me hercule, mallem id, quod erat equius, de tuis rebus ex tuis quam sæpissime cognoscere. Quòd certè ità fieret, si tu maluisses benevolentia, quam licium jura perdiscere. Sed hæc jocati sumus, & tuo more, & nonnihil etiâ nostro. Te valde amamus, nosque à te amari tum volumus, tum etiâ confidimus. Vale.

Cicero Curio S. D.

Argum. Invitat eum ad officia mutua: in urbem ut redeat, rogat veteris urbanitatis retinendâ causâ.

FAcile perspexi ex tuis literis, quod semper studui, & me ate plurimi fieri & te intelligere, quam mihi charus esses. Quod quando uterque nostrum, consecutus est, reliquum est, ut officiis certemus

mus inter nos; quibus æquo animo, vel vincam te, vel vincar abs te. Acillio non fuisse necesse, meas dari literas, facile patior. Sulpitii tibi operam, intelligo ex tuis literis, non multum opus fuisse, propter res tuas ita contractas, ut, quemadmodum scribis, nec caput, nec pedes. Equidem vellem, ut pedes haberent, ut aliquando redires. Vides enim exaruisse jam veterem urbanitatem ut Pomponius noster suo jure possit dicere, ita nos pauci retineamus gloriam antiquam Atticam. Ego ist tibi, nos ei succedimus. Veni igitur quæso, ne tantum semen urbanitatis una cum Re- publ. intereat. Vale.

Cicero Planco.

Argum. Agris dividendis præfici Plancus cupiebat ad militum gratiam colligendam: de ea re Cicero respondet.

IN te, & in Collega, omnis spes est, diis approbantibus: concordia vestra quæ Senatui declarata literis vestris est, mirifice & Senatus, & cuncta civitas delectata est. Quod ad me scripseras de re Agraria, si consultus Senatus esset, ut quisque de te honorificentissimam sententiam dixisset eam lecutus essem: qui
cer.

certe ego fuisset. Sed propter tarditatem sententiarum, moramque rerum, cum ea, quæ consulebantur, ad exitum non pervenirent, commodissimum mihi, Plancoque fratri visum est, uti eo, quod ne nostro arbitratu componeretur; quis fuerit impedimento arbitrante ex Planci literis cognovisset. Sed si in S. C. si in cæteris rebus desideras aliquid, sic tibi persuade, tantam esse apud omnes bonos tui charitatem, ut nullum genus amplissimæ dignitatis excogitari possit, quod tibi non paratum sit. Literas tuas vehementer expecto, & quidem tales, quales maximè opto. Vale.

Cicero Dolabellæ S. D.

Argum. Gratulatur Dolabellæ de Bazarum salubritate: & orationem pro Dejotaro Rege ad Cæsarem habitam, mittit.

GRatulor Baiis nostris, siquidem, ut scribis, salubres repente factæ sunt; nisi forte te amant, & tibi assentantur & tamdiu, dum tu ades sunt oblitæ sui. Quod quidem si ita est, minime miror: cælum enim & terras vim suam si tibi ita conveniat, dimittere. Oratiunculam pro Dejotaro. quam requirebas, habebam mecum: quod non putarem. Ita-
que

que eam tibi misi velim sic legas ut cau-
sam tenuem, & inopem, nec scriptio-
ne magnopere dignam: sed ego hospiti
veteri, & amico, munusculum mittere
volui levidense Crasso filio, cujusmodi
ipsius solent esse munera. Tu velima-
nimo sapienti, fortique sis, ut tua mo-
deratio, & gravitas aliorum infamet in-
injuriam. Vale.

Cic Papirio Pæto S. D.

*Argum. Cum scripsisset Pætus Balbum tenui-
culo apparatu fuisse contentum. joci materiam
indè arripuit Cicero, idque eum arguit maliti-
osè scripsisse, ne majorem apparatus ipse re-
quireret.*

Tamen à malitia non discedis, tenui-
culo apparatu significas Balbum fu-
isse contentum. Hoc videris dicere,
cum Reges tam sint continentes, mul-
tò magis consulares esse oportere. Ne-
scis me ab illo omnia explicatum: recta
enim à portu domum meam venisse;
neque hoc admiror, quod non ad tuam
potius, sed illud, quod nec ad suam. Ego
autem tribus primis verbis; Quid no-
ster Pætus; At ille, adjurans: nusquam
se unquam libentius. Hoc si verbis af-
fecutus es, aures ad te afferam non minus
elegant-

elegantes: si autem obsonio, peto à te, nè pluris esse Balbos, quàm disertos putes. Mē quotidie aliud ex alio impedit. Sed si me expediero, ut in ista loca venire possim, non committam, ut te sero à me certiolem factum putes

Cic. Planco Imp. Col. Des.

Argum. Scribit de S. C. in suam sententiam facto ad augendam Planci dignitatem: hortaturque ut Antoniani belli reliquias conficiat.

UT primum potestas data est augendæ dignitatis tuæ, nihil prætermisi in te ornando quod positum esset aut in præmio virtutis, aut in honore verborum. Id ex ipso S. C. poteris cognoscere; ita enim est perscriptum, ut à me de scripto dicta sententia est, quam Senatus frequens secutus est, summo studio magnoque consensu. Ego quanquam ex tuis literis, quas mihi misisti, perspexeram, te magis iudicio bonorum, quàm insignibus gloriæ delectari; tamen considerandum nobis existimavi, etiamsi tu nihil postulares. quantum tibi à Rep: deberetur. Qui enim M. Antonium oppresserit. Itaque Homerus Ajacem nèc Achillem, sed Ulyssē appellavit polipardon. Vale.

Argum.

Cicero Planco Imp.

Argum. Officium Planci in actione gratiarum sibi fuisse gratissimum fatetur hortaturque, ut ad extinguendas belli reliquias omni studio incumbat.

QUàmquam gratiarum actionem à te non desiderabam, cùm re ipsa, atque amico scirem esse gratissimum, tamen (fatendum est enim) fuit ea mihi perju- cunda; sic enim vidi, quasi ea quæ ocu- lis cernuntur, me à te amati. Dices quid antea? semper quidem, sed nunquam illustrius. Literæ tuæ mirabiliter gratæ sunt Senatui, cum rebus ipsis, quæ erant gravissimæ, & maxime fortissimi animi, summique consilii, tum etiam gravita- te sententiarum atque verborum. Sed mi Plance, incumbe, ut belli extrema perficias, in hoc erit summa gratia, & gloria. Cupio omnia Reipubl. causâ: sed me hercule. in eas conservanda jam defatigatus non multo plus faveo pa- triæ; cujus maximam facultatem tibi dii immortales, ut spero, dedere, quam cõ- plectere obsecro. Qui enim Antonium oppresseris, is hoc teterrimum bellum, periculosissimumque contecerit. Vale.

Cicero.

Argum. Petit, ut de Lepidi fide significet, utrum à Rep. sit an se cum Antonio conjunxerit, & hortatur ad belli reliquias opprimendas.

ITa erant omnia, quæ istinc afferebantur, incerta ut, quid ad te scriberem, non occurreret; modo enim quæ vellemus, de Lepido; modò contra nuntiabantur. De te tam constans fama nec decipi posse, nec vinci: quorum alterius fortuna partem habet quandam: alterum proprium est prudentiæ tuæ. Sed accepi literas à collega tuo datas Id. Maji, in quibus erat scriptum: te ad se scripisse, à Lepido non recipi Antonium. Quod erit certius, si tu ad nos idem: sed minus audes fortasse propter inanem lætitiā literarum superiorum. Verum ut errare mi Plance potuisti (qui enim id effugerit) sic decipi te non potuisse, quis non videt? Nunc vero etiam erroris causa sublata est. Culpa enim illa, bis ad eundem, vulgari reprehensa proverbio est. Sin ut scripsisti ad còlegam ita se res habet, omni cura liberati sumus: nec tamen erimus prius, quam ita esse, tu nos feceris certiores. Mea quidem,

dem, ut ad te sapius scripsi, hæc scientia est: Qui reliquias hujus belli oppresse-
rit eum totius belli confectorem fore:
quem te & opto esse, & confido futurū
Studia mea erga te, quibus certe nulla
esse majora potuerunt, tibi tam grata
esse, quam ego putavi fore minime mi-
ror, vehementerque lator. Quæ quidē
tu si recte isthicerit. majora, & graviora
cognosces. IV. Kalend Jun.

M. T. Cicero Bruto S. P.

*Arg. Petit, ut exactionem pecuniæ, quam Stra-
boni Cornelius debet, pro potestate imperioque
curet.*

Lucio Titio Strabone, Equite Rom in
primis honesto, & ornato familiarissime
utor. Omnia mihi cum eo intercedunt
jura summæ necessitudinis. Huic in tua
provincia pecuniam debet P. Cornelius.
Ea res a Volcario, qui Romæ Jus dicit,
rejecta in Galliam est. Peto à te hoc di-
ligentius, quam si mea res esset. quo
est honestius de amicorum pecunia la-
borare, quàm de sua: ut negotium con-
ficiendum cures: ipse suscipias, transi-
gas, operamque des, quod tibi æquum,
& rectum videbitur, ut quam commo-
dissima

diffima conditione libertus Strabonis,
qui ejus rei causa missus est negotium
conficiat, ad nummosque perveniat Id
& mihi gratissimum erit, & tu ipse L.
Titium cognosces amicitia tuâ dignissi-
mum; quod ut tibi curæ sit, ut omnia
solent esse, quæ me velle scis, te vehe-
menter etiam atque etiam rogo.



Biblioteka Jagiellońska



stdr0026129

